



ქალაქ ფოთის მუნიციპალიტეტის საკრებულო

განკარგულება № 12/83

2022წლის 25 ნოემბერი

ქალაქი ფოთი

არასამეწარმეო (არაკომერციული) იურიდიული პირის - თვითმმართველი ქალაქ ფოთის სკოლამდელი სააღმზრდელო გაერთიანების დირექტორის ანგარიშის შესახებ

ქალაქ ფოთის მუნიციპალიტეტის საკრებულო აღნიშნავს, რომ საქართველოს ორგანული კანონის „ადგილობრივი თვითმმართველობის კოდექსი“ 106¹ მუხლის მე-15 პუნქტის, „ქალაქ ფოთის მუნიციპალიტეტის საკრებულოს რეგლამენტის დამტკიცების შესახებ“ ქალაქ ფოთის მუნიციპალიტეტის საკრებულოს 2022 წლის 31 იანვრის №1/5 დადგენილებით დამტკიცებული რეგლამენტის 118-ე მუხლის შესაბამისად, მუნიციპალიტეტის კერძო სამართლის იურიდიული პირის ხელმძღვანელობაზე უფლებამოსილი პირის მიერ გაწეული საქმიანობის ანგარიშს საკრებულოს თავმჯდომარის მიერ დადგენილი რიგითობის მიხედვით განიხილავს საკრებულოს შესაბამისი კომისია, საკრებულოს ბიურო და საკრებულო.

აღნიშნულიდან გამომდინარე:

მუხლი1.

ცნობად იქნეს მიღებული არასამეწარმეო (არაკომერციული) იურიდიული პირის - თვითმმართველი ქალაქ ფოთის სკოლამდელი სააღმზრდელო გაერთიანების დირექტორის ანგარიში (ანგარიში თან ერთვის)

მუხლი2.

საქართველოს ზოგადი ადმინისტრაციული კოდექსის 52-ე მუხლის მე-2 ნაწილის, საქართველოს ადმინისტრაციული საპროცესო კოდექსის 22-ე მუხლის მე-3 ნაწილის, საქართველოს ზოგადი ადმინისტრაციული კოდექსის 178-ე მუხლის შესაბამისად, აღნიშნული განკარგულება შეიძლება გასაჩივრდეს დაინტერესებული მხარის მიერ გაცნობიდან ერთი თვის ვადაში, ფოთის საქალაქო სასამართლოში (მისამართი: ქალაქ ფოთის მუნიციპალიტეტი, დავით აღმაშენებლის ქუჩა №3)

მუხლი3.

განკარგულება ძალაშია ხელმოწერისთანავე.

საკრებულოს თავმჯდომარე

ალექსანდრე ტყებუჩავა



ა(ა)იპ თვითმართველი ქალაქ ფოთის სკოლამდელი სააღმზრდელო გაერთიანება

საანგარიშო პერიოდი

2021წ 2022წ

ადრეული და სკოლამდელი აღზრდისა და განათლების დაწესებულებების შექმნა და მათი ფუნქციონირების უზრუნველყოფა მუნიციპალიტეტის საკუთარ (ექსკლუზიურ) უფლებამოსილებას წარმოადგენს.

სახელმწიფოს და მუნიციპალიტეტის მოვალეობაა აღსაზრდელების სიცოცხლის, ჯანმრთელობის, უფლებების დაცვა, სკოლამდელი აღზრდა და მათთვის კომფორტული, უსაფრთხო და ესთეტიკური გარემოს შექმნა. შესაბამისად, მუნიციპალიტეტი უზრუნველყოფს სკოლამდელი აღზრდის დაწესებულებების შეუფერხებელი ფუნქციონირებისათვის საჭირო დაფინანსებას და ყველა სხვა ღონისძიების გატარებას. ქალაქ ფოთის მუნიციპალიტეტის ერთ-ერთ ძირითად პრიორიტეტს სწორედ მუნიციპალიტეტში მცხოვრები ბაგა-ბაღის ასაკის ბავშვებისათვის, სკოლამდელი აღზრდის ხელმისაწვდომობა წარმოადგენს.

ქალაქ ფოთში ფუნქციონირებს 15 სკოლამდელი აღზრდის დაწესებულება, 70 ჯგუფი, მათ შორის სასკოლო მზაობის 20 ჯგუფი, სადაც სააღმზრდელო პროცესს გადის 1570 შესაბამისი ასაკის ბავშვი. ბაგა-ბაღებში დასაქმებულია 376 თანამშრომელი, მათ შორის 159 აღმზრდელი. ყველა სკოლამდელ დაწესებულებას ემსახურება ექთანი. 15 საბავშვო ბაღს ემსახურება 3 ფსიქოლოგი და 4 ლოგოპედი.

სკოლამდელი გაერთიანება უზრუნველყოფს ბავშვების სკოლამდელ აღზრდას, განათლებას, 3-ჯერად კვებას, კომუნალურ გადასახადებს, მათ შორის გათბობის ხარჯებს და აღნიშნული სერვისი სრულიად უფასოა ბავშვებისათვის.

სკოლამდელი აღზრდა წარმოადგენს რა თვითმმართველობის საკუთარ (ექსკლუზიურ) უფლებამოსილებას, ქალაქ ფოთის მუნიციპალიტეტი ყოველწლიურად ბიუჯეტში ითვალისწინებს მნიშვნელოვან თანხას. კერძოდ, 2019 წლის ადგილობრივ ბიუჯეტში სკოლამდელი გაერთიანების დაფინანსება განისაზღვრა 2 548 300 ლარით, 2020 წლის ადგილობრივ ბიუჯეტში სკოლამდელი გაერთიანების დაფინანსება განისაზღვრა 2 600 000 ლარით, 2021 წლის დაფინანსება 3 000 000 ლარით, ხოლო 2022 წლის დაფინანსება 3 313 700 ლარით. აღნიშნული თანხები მოიცავს პერსონალის შრომით ანაზღაურებას, ბავშვთა კვების, კომუნალურ და სხვა ხარჯებს.

2021 წელს სკ/ს გაერთიანების ბიუჯეტი განისაზღვრა 3 000 000 ლარით, ათვისება 2 781 200 ლარი, მათ შორის:

- 1.შრომის ანაზღაურება---გეგმით--- 2 314 100 ლარი (380 თანამშრომელი);
- 2.შტატგარეშე მომუშავეთა ანაზღაურება (8 თანამშრომელი, დაემატა სანტექნიკოსის და გათბობის სპეციალისტის ხელშეკრულებები)---46 000 ლარი;
- 3.მივლინება ---1000 ლარი, ათვისება 0 ლ;
- 4.ოფისის ხარჯები: (საკომუნიკაციო, საკანცელარიო, გზავნილების, კომპიუტერების და ინტერნეტმომსახურების, კომპიუტერების აქსესუარების, ადმინისტრაციაში მიმდინარე სარემონტო ხარჯები)---13 000 ლარი;

5.წარმომადგენლობითი ხარჯები--- 1000 ლარი, ათვისება 0 ლ;

6.კვების ხარჯები--- გეგმით 540 000 ლარი, ათვისება 189 300 ლ;

7.სამედიცინო ხარჯები---1 200 ლარი;

8.რბილი ინვენტარი --- (საფარდე ქსოვილის, ხალიჩების, ლეიბების შეძენა)---5 000 ლარი, ათვისება 3 900 ლ;

9.სხვა დანარჩენი---226 200 ლარი. ათვისება 182 700ლ მ. შ (სარემონტო მასალის, სამეურნეო და ჰიგიენური საქონელი. სასმელი წყლის და წყალარინების გადასახადი. ბუნებრივი აირის, თხევადი გაზის, ელექტროენერგიის გადასახადი. სარემონტო სამუშაოებზე მუშის ხელფასი. საკანცელარიო ხარჯები. სამზარეულოს ინვენტარის შეძენა და სხვადასხვა მომსახურება (სამშენებლო სამუშაოების პროექტირება-ხარჯთაღრიცხვა, სასმელი წყლის ლაბორატორიული კვლევა და სხვა.);

10. სოციალური უზრუნველყოფა---16 200 ლარი;

11.სხვა ხარჯები (ტერიტორიის დასუფთავების მოსაკრებელი)--- 1300 ლარი;

13.არაფინანსური აქტივები ---14 800 ლარი. ათვისება 13 500 გ. შ (ბუნებრივი აირის შიდა ქსელის მოწყობა და გაზის მრიცხველების შეძენა).

2022 წელს სკ/ს გაერთიანების ბიუჯეტი განისაზღვრა 3 313 700 ლარით:

1.შრომის ანაზღაურება--- 2 516 000 ლარი (376 თანამშრომელი);

2.შტატგარეშე მომუშავეთა ანაზღაურება (8 თანამშრომელი) ---56 900 ლარი;

3.მივლინება ---500 ლარი;

4.ოფისის ხარჯები: (საკომუნიკაციო, საკანცელარიო, გზავნილების, კომპიუტერების და ინტერნეტმომსახურების, კომპიუტერების აქსესუარების, ადმინისტრაციაში მიმდინარე სარემონტო ხარჯები)---15 000 ლარი;

5.კვების ხარჯები--- 475 000 ლარი,

6.სამედიცინო ხარჯები---3000 ლარი;

7.რბილი ინვენტარი --- (საფარდე ქსოვილის, ხალიჩების, ლეიბების შეძენა)---5 000 ლარი ;

8.სხვა დანარჩენი-221 000 ლარი. (სარემონტო მასალის, სამეურნეო და ჰიგიენური საქონელი. სასმელი წყლის და წყალარინების გადასახადი. ბუნებრივი აირის, თხევადი გაზის, ელექტროენერგიის გადასახადი. სარემონტო სამუშაოებზე მუშის ხელფასი. საკანცელარიო ხარჯები. სამზარეულოს ინვენტარის შეძენა და სხვადასხვა მომსახურება (სამშენებლო სამუშაოების პროექტირება-ხარჯთაღრიცხვა, სასმელი წყლის ლაბორატორიული კვლევა და სხვა.);

10. სოციალური უზრუნველყოფა---15000 ლარი;

11.სხვა ხარჯები (ტერიტორიის დასუფთავების მოსაკრებელი)--- 1300 ლარი;

13.არაფინანსური აქტივები ---5000 ლარი.

2020 წლის სექტემბრიდან ყველა თანამშრომლის ხელფასი გაიზარდა 100 ლარით. ხელფასების ზრდა განხორციელდა 2021 წელსაც.

2021 წლიდან კვების დღიური თანხა თითოეულ აღსაზრდელზე 2 ლარიდან, 2.5 ლარამდე გაიზარდა. 2022 წლის თებერვლიდან კვების დღიური თანხა თითოეულ აღსაზრდელზე 2,5 ლარიდან 2.8 ლარამდე გაიზარდა.

2020-2021-2022 წლებში ქ. ფოთის სკოლამდელ სააღმზრდელო დაწესებულებებში განხორციელდა მნიშვნელოვანი ინფრასტრუქტურული პროექტები; რომელიც დაფინანსდა როგორც სახელმწიფო და ადგილობრივი ბიუჯეტიდან, ასევე საერთაშორისო დონორული სახსრებით.

1. N11, N12, N14, N15 სკ/ს დაწესებულებებში კარ-ფანჯრების მონტაჟი **49 041** ლარი.
2. N1, N6, N9, N11, N12, N15, N17 სკ/ს დაწესებულებებში, სურსათის ეროვნული სააგენტოს რეკომენდაციების შესაბამისად განხორციელდა სამზარეულოს და სასაწყობე სივრცეების რემონტი **14 158** ლარი.
3. N10, N11, N15 და N17 სკ/ს დაწესებულებებში კარ-ფანჯრების მონტაჟი **53 100** ლარი.
4. N17 სკ/ს დაწესებულების (თამარ მეფის ქ. N54) გათბობის სისტემის მონტაჟი **57 900** ლარი.
5. N17 სკ/ს დაწესებულების (თამარ მეფის ქ. N54) სველი წერტილების სრული რეაბილიტაცია **77 500** ლარი. კერძოდ 6 ჯგუფის სამრეცხაოს, 8 საპირფარეშოს (მათ შორის ადაპტირებული შშმ პირთათვის) მოწყობა. მთლიანად შეიცვალა წყალგაყვანილობის და საკანალიზაციო სისტემა, არსებულ საქვაბეში განთავსდა ბუნებრივ აირზე მომუშავე ცხელი წყლის ბოილერები.
6. N2, N3 და N7 სკოლამდელ დაწესებულებებში სოკარჯორჯიაგაზის რეგულაციების შესაბამისად, უსაფრთხოების მიზნით, განხორციელდა ბუნებრივ აირზე მომუშავე გათბობის ბოილერების, ახალაშენებულ საქვაბე შენობებში განთავსება. ამასთანავე N3 და N13 სკოლამდელ დაწესებულებებში განხორციელდა სამზარეულოების და სველი წერტილების ცხელი წყლით მომარაგების სისტემის მოწყობა. სამუშაოების ღირებულებამ შეადგინა **41 300** ლარი.
7. N6 სკ/ს დაწესებულების (აკაკის ქ. N36) გადახურვა **52 400** ლარი. პროექტის ფარგლებში სრულად შეიცვალა სახურავის საყრდენი კონსტრუქციები და მოეწყო პროფილირებული თუნექის სახურავი. შენობის მთელ პერიმეტრზე მოეწყო ბეტონის სარინელი, სისქით 10სმ და შენობის ზემირკველში დამონტაჟდა სავენტილაციო ბადეები.
8. N12 სკ/ს დაწესებულების (კიკალიშვილის ქ. 4ა) გადახურვა **53 400** ლარი. პანდემიის მიუხედავად საგანმანათლებლო ინფრასტრუქტურის განახლების პროცესი უწყვეტად მიმდინარეობდა. პროექტის ფარგლებში სრულად შეიცვალა სახურავის საყრდენი კონსტრუქციები და მოეწყო პროფილირებული თუნექის სახურავი.
9. N14 სკ/ს დაწესებულების (ჭავჭავაძის ქ. 154) კაპიტალური გადახურვა **76 100** ლარი. პროექტის ფარგლებში სრულად შეიცვალა სახურავის საყრდენი კონსტრუქციები და მოეწყო პროფილირებული თუნექის სახურავი.
10. N12 სკ/ს დაწესებულების (კიკალიშვილის ქ. 4ა) 3 საბავშვო ბლოკის შიდა სარეაბილიტაციო სამუშაოები. კერძოდ, სამეცადინო ჯგუფების, სამინებლების, გასახდელების რეაბილიტაცია, კარ-ფანჯრების შეცვლა, ელექტროსამონტაჟო სამუშაოები, სველი წერტილების, ჭერისა და იატაკის მოპირკეთების სამუშაოები. **164 591** ლარი.
11. N17 სკ/ს დაწესებულების (თამარ მეფის ქ. N54) ინტერიერის და ფასადის სრული რეაბილიტაცია და ელექტროსამონტაჟო სამუშაოები, პროექტის ღირებულება **208 978** ლარი.

რეაბილიტაციის დასრულების შემდგომ სკოლამდელი სააღმზრდელო გაერთიანების მიერ შეძლენილი იქნა ახალი ავეჯი და ინვენტარი.

12. 2021 ოქტომბერში აშენდა ახალი თანამედროვე სტანდარტების საბავშვო ბაღი, 9 აპრილის ხეივანი N4a-ში (N5 სკ/ს დაწესებულება), დანის ლტოლვილთა საბჭო (DRC) და გერმანიის განვითარების და რეკონსტრუქციის ბანკის (KFW) დაფინანსებით. პროექტის ღირებულებამ შეადგინა 850 ათასი ლარი. პროექტის ფარგლებში კეთილმოეწყო ეზო. ბაღი აღიჭურვა ახალი ავეჯით და საყოფაცხოვრებო ტექნიკით. N5 სკოლამდელი დაწესებულება გათვლილია 100 აღსაზრდელზე. სკოლამდელი აღზრდის დაწესებულება, სრულად არის აღჭურვილი და ბავშვებისთვის საუკეთესო გარემოა შექმნილი. შენობა ადაპტირებულია შეზღუდული შესაძლებლობების მქონე პირთათვის.

13. განხორციელდა N5 და N17 სკოლამდელი დაწესებულების გაზიფიცირება.

15. 15- ვე საჯარო ბაღში დამონტაჟდა სამფაზიანი ელექტრომრიცხველი -92 ათასი ლარი.

16. სრულდება N17 სკოლამდელი დაწესებულების (მის: ქ.ფოთი, თამარ მეფის N54) შემომფარგლავი ღობის, ეზოს კეთილმოწყობის და დამზარე ნაგებობის მშენებლობა. პროექტის ღირებულება 84 814 ლარი.

აღნიშნული ინფრასტრუქტული პროექტებით, სკოლამდელი სააღმზრდელო დაწესებულებებში გაუმჯობესდა სახანძრო უსაფრთხოების მოთხოვნებით გათვალისწინებული სტანდარტები. (სახანძრო სიგნალიზაცია, ჭერის და კედლების უწვადი მასალით დამუშავება, საევაკუაციო გასასვლელების მოწყობა, საევაკუაციო გეგმების კორექტირება და სხვა).

16. საქართველოს მუნიციპალური განვითარების ფონდის მიერ, აზის განვითარების ბანკის დაფინანსებით, ბარათაშვილის ქუჩაზე ინტენსიურად მიმდინარეობს 100 აღსაზრდელზე გათვლილი, 4 ჯგუფიანი, თანამედროვე სტანდარტების მქონე საბავშვო ბაღის მშენებლობა. პროექტის ღირებულება შეადგენს 3 884 993 ლარს. სამუშაოებს აწარმოებს კომპანია „პრაიმ ბეტონი“.

ამასთანავე განსაზღვრულია აღნიშნული სკოლამდელი დაწესებულებისათვის საჭირო ავეჯის, საყოფაცხოვრებო ინვენტარის, ტექნიკის, აღჭურვილობის და სათამაშოების ნუსხა, რომლის შეძენასაც განახორციელებს საქართველოს მუნიციპალური განვითარების ფონდი.

2021 წელს, საქართველოს კანონის „სურსათის/ცხოველის საკვების უვნებლობის, ვეტერინარიისა და მცენარეთა დაცვის კოდექსი“ მე-17¹ მუხლის, „ტექნიკური რეგლამენტების – „სურსათის/ცხოველის საკვების ჰიგიენის ზოგადი წესისა“ და „სურსათის/ცხოველის საკვების ჰიგიენის გამარტივებული წესის“ დამტკიცების თაობაზე“ საქართველოს მთავრობის 2010 წლის 25 ივნისის №173 დადგენილების მე-3 მუხლის „ბ“ ქვეპუნქტის თანახმად, ა(ა)-თვითმმართველი ქალაქ ფოთის სკოლამდელი სააღმზრდელო გაერთიანების სკოლამდელ სააღმზრდელო დაწესებულებებში, სურსათის უვნებლობის პროცედურების დანერგვის, საფრთხის ანალიზისა და კრიტიკული საკონტროლო წერტილების (HACCP) სისტემის პრინციპების შესაბამისად, სკოლამდელმა სააღმზრდელო გაერთიანებამ ზემოხსენებული მომსახურების შესასყიდად „სახელმწიფო შესყიდვების შესახებ“ საქართველოს კანონის მე-3 მუხლის პირველი პუნქტის „ა“ და „ჟ“ ქვეპუნქტების, მე-

10¹ და მე-12¹ მუხლის შესაბამისად, გამოაცხადა ელექტრონული ტენდერი. რის შემდგომაც განხორციელდა ა(ა)იპ- თვითმმართველი ქალაქ ფოთის სკოლამდელი სააღმზრდელო გაერთიანების, 15-ვე სკოლამდელ სააღმზრდელო დაწესებულებაში HACCP კვლევის ჩატარება, HACCP სისტემის შემუშავება და დანერგვა.

მოგეხსენებათ, ნებისმიერი სკოლამდელი აღზრდის დაწესებულება, (სახელმწიფო თუ კერძო), ვალდებულია გაიაროს ავტორიზაცია, საქართველოს მთავრობის მიერ სკოლამდელ განათლებასთან დაკავშირებული სახელმწიფო სტანდარტებისა და ტექნიკური რეგლამენტების შესაბამისად.

ავტორიზაცია არის ადრეული და სკოლამდელი აღზრდისა და განათლების დაწესებულების სტატუსის მოპოვების პროცედურა. რომლის მიზანია ადრეული აღზრდისა და განათლების ან/და სკოლამდელი აღზრდისა და განათლების მომსახურების მიწოდებისათვის ან მხოლოდ სასკოლო მზაობის პროგრამის განხორციელებისათვის აუცილებელი სტანდარტების დაკმაყოფილების უზრუნველყოფა. ავტორიზაციის სტანდარტი არის სახელმწიფოს მიერ დადგენილი მოთხოვნა, რომელსაც უნდა აკმაყოფილებდეს დაწესებულება შესაბამისი მომსახურების მიწოდების განსახორციელებლად. საბავშვო ბაღების ავტორიზაციის პროცესი 2030 წლამდე გადავადდა. ამასთან, ბაღების ავტორიზაციას ადგილობრივი თვითმმართველობების ნაცვლად, განათლების ხარისხის განვითარების ეროვნული ცენტრი უზრუნველყოფს, რომელიც წლებია ზოგადი, პროფესიული და უმაღლესი საგანმანათლებლო დაწესებულებების ავტორიზაციის პროცესს მართავს. განსახორციელებელი ქმედებები მოიცავს გარდამავალ პერიოდს - 2022 წლიდან 2030 წლამდე. სკოლამდელი დაწესებულებების ავტორიზაციის რეფორმა, მოიცავს როგორც სკოლამდელი დაწესებულებების ინფრასტრუქტურის ტექნიკურ რეგლამენტთან შესაბამისობაში მოყვანას, ასევე დასაქმებული პერსონალის კვალიფიკაციის ამაღლებას და კანონით განსაზღვრული კვალიფიკაციის მქონე პერსონალის ფორმირებას.

ავტორიზაციის სტანდარტებია:

ა) დაწესებულების მისია და სტრატეგიული განვითარება; ბ) კურიკულუმი; გ) ოჯახისა და თემის ჩართულობა; დ) სააღმზრდელო და საგანმანათლებლო პროცესის მხარდაჭერა. სააღმზრდელო და საგანმანათლებლო პროცესის მხარდაჭერასთან დაკავშირებული სტანდარტი მოიცავს შემდეგ კომპონენტებს: პერსონალის მართვას და განვითარებას; პროცესების მართვას; მატერიალურ რესურსებს; კვების ორგანიზებას და კვებითი რაციონს; სანიტარულ-ჰიგიენური ნორმებს; ფიზიკური და ემოციური უსაფრთხოებას; ფინანსური რესურსებს.

განსაზღვრულია მოთხოვნები, „ადრეული და სკოლამდელი აღზრდისა და განათლების შესახებ“ საქართველოს კანონის მე-7 მუხლის „ზ“ ქვეპუნქტით გათვალისწინებული „ტექნიკურ რეგლამენტის - ადრეული აღზრდისა და განათლების მომსახურების ან/და სკოლამდელი აღზრდისა და განათლების მომსახურების ან/და მხოლოდ სასკოლო მზაობის პროგრამის განხორციელებელი დაწესებულების შენობა-ნაგებობის, ინფრასტრუქტურისა და მატერიალურ-ტექნიკური ბაზის და შენობა-ნაგებობის მოწყობის შესახებ“.

დაწესებულებებაში, შიდა და გარე ტერიტორიაზე, განთავსებული უნდა იყოს შემდეგი სავალდებულო სივრცეები: ჯგუფური ოთახი, საძინებელი ოთახი/მოსასვენებელი სივრცე, გასახდელი სივრცე, სან.კვანძი ბავშვებისთვის, ადმინისტრაციული სამყოფები (მათ შორის სივრცე თანამშრომლობითი საქმიანობისთვის), დახურული სივრცე სენსო-მოტორული აქტივობებისთვის/დარბაზი, სამედიცინო მომსახურების სივრცე, სან.კვანძი პერსონალისთვის, კვების ბლოკი, სამეურნეო ზონა.

დაწესებულებას სააღმზრდელო-საგანმანათლებლო მიზნებისთვის უნდა ჰქონდეს ეზო ან/და გარე სივრცე. ეზო შემოფარგლული უნდა იყოს არანაკლებ 1,6 მ ღობით. ეზოში/ გარე სივრცეში განთავსებული უნდა იყოს მზისგან და წვიმისაგან დამცავი საშუალება/საჩრდილობელი;

ეზოში/გარე სივრცეში განთავსებული უნდა იყოს შემდეგი სავალდებულო აღჭურვილობა და სივრცეები: სასრიალო; საქანელა; საქვიშე; სათამაშო სახლი/კარავი/სივრცე

განმარტოებისთვის; სკამები/ დასაჯდომი და მაგიდა; ეზოს მინიმალური ფართი ერთ ბავშვთან მიმართებაში უნდა იყოს არანაკლებ 3 კვ.მ.

აღნიშნული სტანდარტები ხელს შეუწყობს ბავშვზე ორიენტირებული საგანმანათლებლო პროცესის ჩამოყალიბებას, რომელიც მიმართულია ბავშვის განვითარებაზე, პასუხობს მის ინტერესებსა და საჭიროებებს და უზრუნველყოფს უსაფრთხო და ბავშვზე მორგებული გარემოს შექმნას, წყლის, სანიტარული და ჰიგიენური პირობების გაუმჯობესებას და ბავშვების სათანადო კვებით უზრუნველყოფას.

„ადრეული და სკოლამდელი აღზრდისა და განათლების შესახებ“ საქართველოს კანონის მე-10 მუხლის მე-3 პუნქტის „ბ“ ქვეპუნქტის შესაბამისად, საქართველოს განათლებისა და მეცნიერების მინისტრის 2020 წლის 28 ივნისის №68/ნ ბრძანებით დამტკიცებული „აღმზრდელ-პედაგოგთა პროფესიული განვითარების ტრენინგ-მოდულის“ მიხედვით, სავალდებულოა აღმზრდელთა გადამზადება.

საქართველოს მთავრობის სკოლამდელ განათლებასთან დაკავშირებული სახელმწიფო სტანდარტების და ტექნიკური რეგლამენტის შესაბამისად 2024 წლის სექტემბრამდე დასასაქმებელი აღმზრდელ-პედაგოგი უნდა აკმაყოფილებდეს ერთ-ერთ შემდეგ მოთხოვნას:

ა.ა) ფლობდეს სულ მცირე ბაკალავრის ან მასთან გათანაბრებულ აკადემიურ ხარისხს ნებისმიერ მიმართულებაში/დარგში/სპეციალობაში, ჰქონდეს აღმზრდელ-პედაგოგის პოზიციაზე მუშაობის, სულ მცირე, 4-წლიანი გამოცდილება და გავლილი ჰქონდეს საქართველოს განათლებისა და მეცნიერების სამინისტროს მიერ შემუშავებული აღმზრდელ-პედაგოგთა პროფესიული განვითარების ტრენინგ-მოდულების საფუძველზე მუნიციპალიტეტის მიერ ორგანიზებული აღმზრდელ-პედაგოგთა გადამზადება;

ა.ბ) ჰქონდეს ბაგა-ბაღის აღმზრდელ-პედაგოგის პროფესიული კვალიფიკის მინიჭების

დამადასტურებელი პროფესიული დიპლომი და გავლილი ჰქონდეს საქართველოს განათლებისა და მეცნიერების სამინისტროს მიერ შემუშავებული აღმზრდელ-პედაგოგთა პროფესიული განვითარების ტრენინგ-მოდულების საფუძველზე მუნიციპალიტეტის მიერ ორგანიზებული აღმზრდელ-პედაგოგთა გადამზადება;

ბ) მუსიკის აღმზრდელ-პედაგოგი უნდა ფლობდეს უმაღლეს ან პროფესიულ სამუსიკო განათლებას და გავლილი ჰქონდეს საქართველოს განათლებისა და მეცნიერების სამინისტროს მიერ შემუშავებული აღმზრდელ-პედაგოგთა პროფესიული განვითარების ტრენინგ-მოდულების საფუძველზე მუნიციპალიტეტის მიერ ორგანიზებული აღმზრდელ-პედაგოგთა გადამზადება.

„ადრეული და სკოლამდელი აღზრდისა და განათლების შესახებ“ საქართველოს კანონის მე-10 მუხლის მე-3 პუნქტის „ბ“ ქვეპუნქტის შესაბამისად, საქართველოს განათლებისა და მეცნიერების მინისტრის 2020 წლის 28 ივნისის №68/ნ ბრძანებით დამტკიცებული „აღმზრდელ-პედაგოგთა პროფესიული განვითარების ტრენინგ-მოდულის“ მიხედვით, ქალაქ ფოთის მუნიციპალიტეტის სკოლამდელი სააღმზრდელო დაწესებულებებში დასაქმებული აღმზრდელების გადამზადება, რომლებიც აკმაყოფილებნ საკვალიფიკიო მოთხოვნებს, განხორციელდება ეტაპობრივად, 2024 წლამდე. აღმზრდელთა გადამზადების ხარჯები გათვალისწინებული იქნება 2023 წლის ქალაქ ფოთის მუნიციპალიტეტის ბიუჯეტში. აღსანიშნავია, რომ იმ აღმზრდელთათვის, რომელთაც ამ ეტაპზე არ გააჩნიათ შესაბამისი კვალიფიკირები, კერძოდ უმაღლესი განათლება ან პროფესიული განათლება სკოლამდელი

აღზრდის სფეროში, აქვთ შესაძლებლობა, პროფესიულ კოლეჯ „ფაზისში“ პროფესიული საგანამანათლებლო პროგრამის „სკოლამდელი აღზრდის“ დასრულებისთანავე, გაიარონ გადამზადება „აღმზრდელ-პედაგოგთა პროფესიული განვითარების ტრენინგ-მოდულის“ მიხედვით და შეძლებენ აღმზრდელ-პედაგოგის სტატუსის მოპოვებას.

მოგახსენებთ, რომ „ადრეული და სკოლამდელი აღზრდისა და განათლების შესახებ“ საქართველოს კანონის 28-ე მუხლის მე-8 პუნქტის საფუძველზე, შემუშავდა ადრეული აღზრდისა და განათლების ან/და სკოლამდელი აღზრდისა და განათლების დაწესებულების ავტორიზაციის გავლის, აგრეთვე დაწესებულების ავტორიზაციის შეჩერებისა და შეწყვეტის დროებითი წესის პროექტი და შესაბამისი დანართები.

პირველადი რეგისტრაციის მიზნით, 2022 წლის პირველ ივლისს, ამუშავდა შესაბამისი ელექტრონული სისტემა და სტატუსის მოპოვების მიზნით, დაწესებულებებმა რეგისტრაცია განათლების მართვის საინფორმაციო სისტემის ბაზაში 2022 წლის პირველი ივლისიდან, არაუგვიანეს, 2023 წლის პირველ იანვრამდე უნდა გაიარონ. ამ ეტაპზე პირველადი რეგისტრაცია წარმატებით გაიარა ქალაქ ფოთის თხუთმეტივე საჯარო საბავშვო ბაღმა.

ამის შემდგომ, 2024 წლის პირველ იანვრამდე, რეგისტრირებული დაწესებულებები ვალდებული იქნებიან, განათლების ხარისხის განვითარების ეროვნულ ცენტრში წარადგინონ თვითშეფასება, დროებითი წესის შესაბამისად. თვითშეფასების ანალიზზე დაყრდნობით, განათლების ხარისხის განვითარების ეროვნული ცენტრის წინადადების საფუძველზე, 2024 წლის პირველ ოქტომბრამდე, განათლების მინისტრის ბრძანებით, დამტკიცდება რეგისტრირებული დაწესებულებების ავტორიზაციის გავლის გრაფიკი. დაწესებულებას, რომელიც 2024 წლის პირველ იანვრამდე არ წარადგენს თვითშეფასებას ან დადგენილ ვადაში — ავტორიზაციის განაცხადს, ადრეული და სკოლამდელი აღზრდისა და განათლების მიმართულებით საქმიანობის უფლება გაუუქმდება. რეგისტრაციის გავლა მნიშვნელოვანია, რადგან ის წარმოადგენს ადრეული და სკოლამდელი აღზრდისა და განათლების სფეროში საქმიანობის განხორციელების უფლების საფუძველს, ვიდრე დაწესებულება გაივლის ავტორიზაციას, კანონით გათვალისწინებული ვადების შესაბამისად.

რეფორმის შედეგად „ყველა დაწესებულება, რომელიც გამოთქვამს მზაობას, დაიწყოს საქმიანობა აღნიშნულ სფეროში, დაექვემდებარება სავალდებულო ავტორიზაციას, რაც მომსახურების ხარისხის ზრდას შეუწყობს ხელს. ავტორიზაციის პროცესი ყოველ 4 წელიწადში ერთხელ განხორციელდება, რაც უზრუნველყოფს სისტემაში არსებული ინსტიტუციების მიერ საზოგადოებისთვის მიწოდებული სერვისის მუდმივ განვითარებასა და გაუმჯობესებას.“

ადრეული და სკოლამდელი განათლების სისტემის რეფორმის ფარგლებში:

- „დაინერგება დაწესებულებების რეგულარული, ყოველწლიური თვითშეფასების პრაქტიკა, რაც ხელს შეუწყობს, ერთი მხრივ, თითოეული ინსტიტუციის ჭრილში საკუთარი პრობლემებისა და შესაძლებლობების უკეთ გააზრებას და, მეორე მხრივ, სისტემის დონეზე შექმნის ადრეული და სკოლამდელი აღზრდისა და განათლების სფეროში არსებული გამოწვევების დროულად იდენტიფიცირების შესაძლებლობას;
- მნიშვნელოვნად გაიზრდება საგანამანათლებლო პროცესში მშობლების როლი და ჩართულობა. მშობელთა ჯგუფი იქნება დაწესებულების თვითშეფასების პროცესის ერთ-ერთი მნიშვნელოვანი მხარე და მონაწილე;
- შეიქმნება მხარდამჭერი სპეციალისტების გუნდი, რომელთა წევრებიც ინდივიდუალურად იმუშავებენ თითოეულ დაწესებულებასთან და დაეხმარებიან მათ შემდგომ განვითარებაში;

- შეიქმნება მართვის საინფორმაციო სისტემა, რომელიც უზრუნველყოფს ადრეული და სკოლამდელი აღზრდისა და განათლების სფეროში არსებული ინფორმაციის ერთიან ფორმატში მოგროვებასა და დამუშავებას;
- გაძლიერდება დაწესებულებების მართვასა და ავტორიზაციის პროცესში ჩართული მხარეების შესაძლებლობები, რაც გარდამავალი პერიოდის დასრულების შემდგომ უზრუნველყოფს პროცესების ეფექტურობის დაუკავშირებას.“

2024 წელს განხორციელდება თვითშეფასებიდან მიღებული საჭიროების ანალიზი და ბალების მხარდაჭერა მათი საჭიროებების მიხედვით მოხდება. ადრეული და სკოლამდელი აღზრდის დაწესებულებების ეტაპობრივი ავტორიზაცია 2025-2030 წლებში განხორციელდება. საბავშვო ბალებს ავტორიზაცია, მათი მზაობის მიხედვით, წლების მიხედვით, რიგითობით მოუწევთ.

მოგეხსენებათ სკოლამდელი დაწესებულებების ინფრასტრუქტურა მოითხოვს მირეულ განახლებას. აქამდე განხორციელებული პროექტები შეირჩა, ბალებში აღსაზრდელების რაოდენობიდან და შენობების ლოკაციიდან და არსებული ინფრასტრუქტურული მდგომარეობიდან გამომდინარე. პრიორიტეტულად დაიგეგმა სარეაბილიტაციო სამუშაოები და განხორციელდა N5 ბალის მშენებლობა (მის. 9 აპრილის ხეივანი N4a) და N12 (მის. კიკალიშვილის ქ. 4a) და N17 სკოლამდელი დაწესებულებების (მის. თამარ მეფის ქ. N54) სარეაბილიტაციო სამუშაოები.

2020 წლის 18 ივნისს ქალაქ ფოთის მუნიციპალიტეტის მერიის დაკვეთით, სსიპ სამხარაულის სახელობის ექსპერტიზის ეროვნული ბიუროს ექსპერტების მიერ, შესწავლილი იქნა N1 სკ. დაწესებულების (მის. 26 მაისის ქ. N6) მდგომარეობა. რომელიც აშენებულია 1937 წელს. საექსპერტო დასკვნით, შენობის ტექნიკური მდგომარეობა შეფასდა არადამაკმაყოფილებლად და შენობის შემდგომი ექსპლუატაცია მიჩნეულ იქნა არამიზანშეწონილად. გაიცა რეკომენდაცია შენობის გამაგრება-აღდგენა-გაძლიერების შესახებ, რაც მათი აზრით არარენტაბელურია. აღსაზრდელების და სკ. დაწესებულების თანამშრომელთა უსაფრთხოებიდან გამომდინარე, მიღებულ იქნა გადაწყვეტილება, N1 ბალი დროებით გადაგვევანა N12 სკ. დაწესებულებაში (მის. კიკალიშვილის ქ. 4a), N1 ბალის რეაბილიტაციამდე ან ახალი ბალის აშენებამდე.

საქართველოს მუნიციპალური განვითარების ფონდის მხარდაჭერით, განხორციელდა ქალაქ ფოთში არსებული სკოლამდელი დაწესებულებების ინფრასტრუქტურული მდგომარეობის შესწავლა, შეფასება და მომზადდა ნუსხა ასაშენებელი და სარეაბილიტაციო სკოლამდელი დაწესებულების შესახებ. აღნიშნული ინფორმაცია მიეწოდა სამეცნიერო- ზემო სვანეთის სამხარეო ადმინისტრაციას და საქართველოს მუნიციპალური განვითარების ფონდს. განისაზღვრა ეტაპობრივი გეგმა ქ. ფოთის სკოლამდელი დაწესებულებების რეაბილიტაციის და მშენებლობების შესახებ. პირველი რიგის ღონისძიებად დაისახა N1 სკოლამდელი დაწესებულების მშენებლობა (მის. 26 მაისის ქ. N6) და N10 სკოლამდელი დაწესებულების (მის. მარჯანიშვილის ქ. N17), 11 სკოლამდელი დაწესებულების (მის. გელა კაცაძის ქ. N3) და 16 სკოლამდელი დაწესებულების (მის. თამარ მეფის ქ. N102) სრული რეაბილიტაცია. აღნიშნული სკოლამდელი დაწესებულებები შეირჩა, ბალებში აღსაზრდელების რაოდენობიდან და შენობების ლოკაციიდან და არსებული ინფრასტრუქტურული მდგომარეობიდან გამომდინარე.

პოზიტიური სააღმზრდელო და საგანმანათლებლო გარემოს შექმნის და სერვისის გაუმჯობესების მიზნით, მიზანშეწონილია სკოლამდელი აღზრდის დაწესებულებებისთვის დამატებითი ფინანსური რესურსები, ქ. ფოთის საბავშვო ბალების ტექნიკური რეგლამენტის სტანდარტის შესაბამისობაში მოსაყვანად. ასევე უმნიშვნელოვანესია, სასკოლო მზაობის პროცესის სრულფასოვნად წარმართვისთვის ბალებისათვის შესყიდულ იქნას საჭირო

ინვენტარი, სასწავლო და დამხმარე მასალა. განხორციელდეს აღმზრდელ-პედაგოგების გადამზადება, კვალიფიკაციის ამაღლება და მოხდეს კანონით განსაზღვრული კვალიფიკაციის მქონე პერსონალის ფორმირება. დაგეგმილი რეფორმების საპასუხოდ მნიშვნელოვანია, ბალებში დაინერგოს აღმზრდელ-პედაგოგების უწყვეტი განათლების უზრუნველყოფის სისტემა.

კონკრეტული ნაბიჯები უნდა გადაიდგას საბავშვო ბალების სტანდარტების დაკმაყოფილების პროცესში. აღნიშნული ხელს შეუწყობს ავტორიზაციის პროცესის სათანადოდ წარმართვას და საბავშვო ბალების მოქმედ სტანდარტებთან შესაბამისობაში მოყვანას.

ავტორიზაციის სტანდარტების დაწერგვა, უზრუნველყოფს სკოლამდელი განათლების ხელმისაწვდომობას ყველა ბავშვისთვის; ასევე განათლების ხარისხის გაუმჯობესებას სკოლამდელი დაწესებულებების პერსონალის უწყვეტი პროფესიულობის განვითარების გზით.

აღნიშნული პროცესის განხორციელებაში ვიმედოვნებთ როგორც სახელმწიფო ასევე ადგილობრივი ხელისუფლების უპირობო მხარდაჭერას, რათა წარმატებულად შევძლოთ აღნიშნული რეფორმის ჩავნაში გაზიარება.

ქ. ფოთის სკ. სააღმზრდელო გაერთიანების დირექტორი მ. ზარანია

